

素問中經卷之一

山陰薛本宗道凝甫纂述

表弟余士仁元德較訂

門人程紹荃芝友

全叅

男孚 爵鳴鶴

經脉論

素問曰。人始生。先成精。精成而腦隨生。骨爲幹。脉爲營。筋爲綱。肉爲牆。皮膚堅而毛髮長。穀入于胃。脉道以通。血氣乃行。願聞經脉之所行也。



對曰。經脉者。所以能決死生。處百病。調虛實。不可不通者也。請詳言之。

肺。手太陰之脉。起于中焦。下絡大腸。還循胃口。上膈。屬肺。從肺系。橫出腋。下。下循臑內。行少陰心主之前。下肘中。循臂內上骨。下廉。入寸口。上魚。循魚際。出大指之端。其支者。從腕後。直出次指內廉。出其端。

是動則病。肺脹滿。膨膨而喘咳。缺盆中痛。甚則交兩手而瞀。此爲臂厥。是主肺所生病者。欬。上氣。喘。渴。煩。心胃滿。臑臂內前廉痛。厥掌中熱。氣盛有餘。則肩臂。

痛風寒汗出中風小便數而欠氣虛則肩臂痛寒少
氣不足以息溺色變爲此諸病盛者寸口大三倍于
人迎虛者則寸口反小于人迎也

大腸手陽明之脉起于大指次指之端循指上廉出
合谷兩骨之間上入兩筋之間循臂上廉入肘外廉
上臑外前廉上肩出髃骨之前廉上出于柱骨之會
上下入缺盆絡肺下膈属大腸其支者從缺盆上頸
貫頰入下齒中還出挾口交人中左之右右之左上
挾鼻孔

是動則病齒痛頸腫。是主津液所生病者。目黃口乾。
鼻衄喉痺。肩前臑痛。大指次指痛。不用氣。有餘則當。
脉所過者熱腫。虛則寒慄。不復爲此諸病。盛者人迎。
大三倍于寸口。虛者則人迎反小于寸口也。

胃足陽明之脉起于鼻之交頰中。旁約太陽之脉。下。
循鼻外。入上齒中。還出挾口。環唇。下交承漿。卻循頤。
後下廉。出大迎。循頰車。上耳前。過客主人。循髮際。至。
額顱。其支者從大迎前。下人迎。循喉嚨。入缺盆。下膈。
屬胃絡脾。其直者從缺盆下乳內廉。下挾臍。入氣街。

中其支者起于胃口。下循腹裏。下至氣街中而合以
下髀關。抵伏兔。下膝臑中。下循脛外廉。下足跗。入中
指內間。其支者下廉三寸而別。下入中指外間。其支
者別跗上。入大指間。出其端。

是動則病洒洒振寒。善呻數欠。顏黑。病至則惡人與
火。聞木音則惕然而驚。心欲動獨閉戶塞牖而處。甚
則欲上高而歌。棄衣而走。賁響腹脹。是爲鼯厥。是主
血所生病者。狂癡溫淫。汗出。鼽衄。口喎唇胗。頸腫喉
痺。大腹水腫。膝臑腫痛。循膺乳氣。街股伏兔。鼯外廉。

足跗上皆痛。中指不用。氣盛則身已前皆熱。其有餘于胃。則消穀善饑。溺色黃。氣不足。則身已前皆寒慄。胃中寒。則脹滿。爲此諸病。盛者人迎大三倍于寸口。虛者則人迎反小于寸口也。

脾足太陰之脉。起于大指之端。循指內側。白肉際。過核骨後。上內踝前廉。上踰內循脛骨後。交出厥陰之前。上膝股內前廉。入腹屬脾。絡胃。上行挾咽。連舌本。散舌下。其支者。復從胃別上膈。注心中。

是動則病。舌本強。食則嘔。胃脘痛。腹脹善噫。得後與

氣則快然如衰。身體皆重。是主脾所生病者。舌本痛。體不能動搖。食不下。煩心。心下急痛。癰泄水閉。黃疸。不能臥。強立股膝前腫。厥足。大指不用。爲此諸病盛者。寸口大三倍于人迎。虛者則寸口反小于人迎也。心手少陰之脈起于心中。出屬心系。下膈絡小腸。其支者從心系上挾咽繫目。系其直者復從心系却上肺。下出腋。下循臑內。後廉行手太陰。心主之後。下肘內循臂內。後廉抵掌後銳骨之端。入掌內。後廉循小指之內出其端。

是動則病隘乾心痛渴而欲飲是爲臂厥是主心所
生病者目黃脇痛臄臂內後廉痛厥掌中熱爲此諸
病盛者寸口大再倍于人迎虛者則寸口反小于人
迎也

小腸手太陽之脉起于小指之端循手外側上腕出
踝中直上循臂骨下廉出肘內側兩筋之間上循臄
外後廉出肩解繞肩胛交肩上入缺盆絡心循咽下
膈抵胃屬小腸其支者從缺盆循頸上頰至目銳眥
却入耳中其支者別頰上頰抵鼻至目內眥斜絡于

顴

是動則病噤痛頤腫不可以顧肩似拔𦞞似折是主液所生病者耳聾目黃頰腫頸頤肩膊肘臂外後廉痛爲此諸病盛者人迎大再倍于寸口虛者則人迎反小于寸口也

膀胱足太陽之脉起于目內眥上額交巔其支者從巔至耳上角其直者從巔入絡腦還出別下項循肩膊內挾脊抵腰中入循膂絡腎屬膀胱其支者從腰中下挾脊貫臀入膕中其支者從膕內左右別下貫

脾挾脊內過髀樞循髀外從後廉下合膈中以下貫
膈內出外踝之後循京骨至小指外側出其端

是動則病衝頭痛目似脫項如拔脊痛腰似折髀不
可以曲膈如結踠如裂是爲踝厥是主筋所生病者
痔瘡狂癲疾頭頂顛痛目黃淚出鼽衄項背腰尻膈
踠脚皆痛小指不用爲此諸病盛者人迎大再倍于
寸口虛者則人迎反小于寸口也

腎足少陰之脉起于小指之下邪趨足心出于然谷
之下循內踝之後別入跟中以上踠內出膈內廉上

股內後廉貫脊屬腎絡膀胱其直者從腎上貫肝膈
入肺中循喉嚨挾舌本其支者從肺出絡心注胃中
是動則病饑不欲食面如漆柴欬唾則有血喝喝而
喘坐而欲起目眈眈如無所見心如懸若饑狀氣不
足則善恐心惕惕如人將捕之是爲骨厥是主腎所
生病者口熱舌乾咽腫上氣噎乾及痛煩心心痛黃
疸腸澼脊股內後廉痛痿厥嗜臥足下熱而痛爲此
諸病盛者寸口大再倍于人迎虛者則寸口反小于
人迎也

素問口終 卷之一
心主手厥陰心包絡之脉起于胃中出屬心包絡下
膈歷絡三焦其支者循胃中出脇下腋三寸上抵腋
下循臍內行太陰少陰之間入肘中下臂行兩筋之
間入掌中循中指出其端其支者別掌中循小指次
指出其端

是動則病手心熱臂肘攣急腋腫甚則胃脇支滿心
中澹澹大動面赤目黃喜笑不休是主脉所生病者
煩心心痛掌中熱爲此諸病盛者寸口大一倍于人
迎虛者則寸口反小于人迎也

三焦手少陽之脉起于小指次指之端上出兩指之間循手表腕出臂外兩骨之間上貫肘循臑外上肩而交出足少陽之後入缺盆布臚中散絡心包下膈循屬三焦其支者從臚中上出缺盆上項繫耳後直上出耳上角以屈下頰至頤其支者從耳後入耳中出走耳前過客主人前交頰至目銳眥

是動則病耳聾渾渾沌沌隘腫喉痺是主氣所生病者汗出目銳眥痛頰腫耳後痛臑肘臂外皆痛小指次指不用爲此諸病盛者人迎大一倍于寸口虛者

則人迎反小于寸口也

膽足少陽之脉起于目銳眦上抵頭角下耳後循頸
行手少陽之前至肩上却交出手少陽之後入缺盆
其支者從耳後入耳中出走耳前至目銳眦後其支
者別銳眦下大迎合手少陽抵于頤下加頰車下頸
合缺盆以下胷中貫膈絡肝屬膽循脇裏出氣街繞
毛際橫入髀厭中其直者從缺盆下腋循胷過季脇
下合髀厭中以下循髀陽出膝外廉下外輔骨之前
直下抵絕骨之端下出外踝之前循足跗上八小指

次指之間其支者別跗上入大指之間循大指岐骨內出其端還貫爪甲出三毛

是動則病口苦善太息心脇痛不能轉側甚則面微有塵體無膏澤足外反熱是爲陽厥是主骨所生病者頭痛領痛目銳眦痛缺盆中腫痛腋腫馬刀挾瘰癧汗出振寒瘧胃脇肋髀膝外至脛絕骨外踝前及諸節皆痛小指次指不用爲此諸病盛者人迎大一倍于寸口虛者則人迎反小于寸口也

肝足厥陰之脉起于大指叢毛之際上循足跗上廉

去內踝一寸上踝八寸交出太陰之後上膈內廉循
股陰入毛中過陰器抵小腹挾胃屬肝絡胆上貫膈
布脇肋循喉嚨之後上入頤頤連目系上出額與督
脉會于巔其支者從目系下頤裏環唇內其支者復
從肝別貫膈上注肺

是動則病腰痛不可以俛仰丈夫癰疽婦人少腹腫
甚則隘乾面塵脫色是主肝所生病者胃滿嘔逆飧
泄狐疝遺溺閉癰爲此諸病盛者寸口大一倍于人
迎虛者則寸口反小于人迎也

凡此十二經者盛則瀉之虛則補之熱則疾之寒則
留之陷下則灸之不盛不虛以經取之足少陰腎灸
則強食生肉緩帶披髮大杖重履而步